

# Adiviñas

## Adiviñas da natureza

Saio de noite,  
ocúltome de día.  
Cando queiras verme,  
mira cara arriba.

(a Lúa)



Detrás daquel coto,  
hai un boi xoto  
e non hai home nado,  
nin por nacer,  
que na corte o poida meter.

(o Sol)



Moitas luciñas  
que brillan no ceo  
para que a Lúa  
non pase medo.

(as estrelas)



Son azul ou verde,  
móvome sen parar,  
por min van os barcos,  
porque son...

(o mar)




Boliñas frías  
caen do ceo,  
cobren de branco  
todo o que vexo.

(a neve)

Brúa no alto  
dos outeiros,  
e abanea  
os castiñeiros.

(o vento)



Vive no campo,  
ten un só pé,  
os brazos son pólas,  
o pelo verde é.

(a árbore)

Nacín no deserto  
baixo un forte sol.  
Teño moitos pinchos  
e verde é a miña cor.

(o cacto)